

TE HENEURAA API

I neia i te piha neneiraa no te Ekalesia a Iesu Mesia i te Feia Mo'a i te Mau Mahana Hopea Nei i Papeete, Tahiti, i te mau fenua Sotaiete, i te mau avae atoa. Te hoo e piti farani i te matahiti hoê.

Nu. 2

Febuare, 1920

Mat. 14.

O te Varua parau mau ra no te Atua ia. O Vau te Varua parau mau. E ua faaite o Ioane i te parau no'u, i te na ôraa e, ua noaa ia'na te îraa no te parau mau; oia ia, no te mau parau mau atoa râ, e aore e taata e noaa ia'na te îraa maori râ ia haapao oia i ta'na ra mau faaueraa. O tei haapao i ta'na ra mau faaueraa, ua farii ia i te parau mau e te maramama, e tae noa'tu i te faahanahana-raa-hia oia i te parau mau, e ua ite i te mau mea atoa. B. F. S. 90:4.

I TE FEIA MO'A O TE PARAHII TE PAEAU OCEANIA NEI.

Ia ora na outou mai te io'a here o to tatou Fatu, o Iesu Mesia. O vau nei, o Leone a Kenara, te Peresideni o te mau amaa nei o te Etaretia a Iesu Mesia i te Feia mo'a i te Man Mahana Hopea nei, te faaite atu nei au ia outou i to'u mauruuru no to'u maiti-faahou-raahia e afai faahou mai i te evanelia o te hau ia outou na. Ua mauruuru roa vau no te mea e, ua maitihia vau e te Peropheta mau a te Atua ora, O Hebera Garanata, ia tere faahou mai i teie mau motu nei ia rave faahou â i te ohipa a te Fatu i rotopu i to'na ra mau tamarii o te parahii ô nei. Ua mauruuru roa hoi au no te Evanelia a to tatou Fatu o Iesu Mesia, no te mea, te ite nei au e, "O te mana ia o te Atua ia ora te feia atoa i faaroo

ra." Roma 1:16. Eiaha râ tatou ia faaroo ana'e, ia haapao atu hoi i te mau tñre o taua evanelia ra e tia'i, ei reira to tatou faaroo e haamauhia'i i nia i te pãpã, e e ore ia e mou ia ûhia i te pape pue.

Ua mauruuru atoa vau no te mea e, te ora nei au i teie anotan a vai ai te evanelia a to tatou Faaora i nia i te fenua nei. Te vai nei i roto i te Etaretia nei te mau mana, te mau haamaitairaa e autahu'raa hoi o tei vai ê na i roto i te Etaretia i te tau no te mau aposetolo ra. Te ite nei au e, te ora nei te Atua, e o Iesu, o te Mesia mau ia. E ua faaho'i-mauhia mai te evanelia parau mau a te Fatu i te ao nei i te mau mahana hopea nei, na roto i ta'na ra peropheta Iosepha Semita. Te ite nei au e, te tia nei Hebera Garanata ei upoo mau no te ohipa a te Atua i te fenua nei, e ei Peropheta, Hi'o e Heheu parau. Aita ra matou e ani i te hoê taata noa'tu ia faaroo i teie nei mau mea no to'na faaroora i to matou parau faaiteraa i te reira, area râ, mai te mea e haapao i to te Atua hinaaro, e ite ia oia, i ta'u i haapii nei e na te Atua, e na'u iho. Ioane 7:17. "No outou hoi tei parauhia maira e no to outou tamarii, e no te feia atoa hoi i te atea ê ra, ta te Fatu ta to tatou Atua e parau atu." Ohipa 2:37.

E no reira, e au mau taeae e au mau tuahine, e faaito-ito tatou i te ao-haere-raa i te parau mau, mai te faaoromai, te haehaa e te aau mǎru. E haamana'o tatou i te parau a te Fatu, te na ô mai e, "O te taata e tuu i te rima i nia i te arote a hi'o ai i muri, e ore ia e au i te Basileia o te Atua." E tamau maite tatou e tae noa'tu i te hopea, e e matana tatou i te imi i te basileia o te Atua, e e amuihia mai te mau mea atoa ia tatou.

Ia haamaitai te Fatu ia outou atoa o te tauturu i te haaparareraa i te parau mau na teie mau fenua nei, o ta'u ia pure, mai te io'a o te Fatu O Iesu Mesia, amene.

Papaihia e to outou taeae i te ohipa nei,

O Leone Kenara.

TE FAAHO'IRAA-HIA TE MAU MEA ATOA I TO
RATOU RA HURU MAU.

Ua haamaitaihia e ua haamo'ahia hoi te fenua Kanaana no te putuputu-faahou-raa o te Ati Iuda i te tau hopea nei. I te amuiraa o te Etaretia i Navu, Ilinoi, i te ono no Eperela, i te matahiti 1840, i maitihia'i Oretoni Haede e Haeramu Page, e haere i Kanaana e haamaitai i taua fenua no te tairururaa a te Ati Iuda i reira. Haere atu ra raua i to raua tere. Aita râ raua i maoro i te tereraa, hoi mai ra Hairamu Page. O Oretoni Haede râ, ua haere â ia oia, tae a'e ra oia i Kanaana; haere atu ra oia i nia i te mou'a Oliveta, e i reira oia i haamaitai atu ai i te fenua no te ho'iraa mai o te Ati Iuda i to ratou ra ai'a mau.

Ua ite Ioane Pipi Here i te oire Ierusalemia i te tau hopea nei, e ua ite atoa ia oia i na peropheta toopiti ta te Atua e faatupu ei ite no te Mesia i rotopu i te Ati Iuda i te tau hopea nei. Te na ô mai ra oia e, "Tia mai ra te melahi, e ua parau mai ra, e na'u e poroi i na faaite toopiti na'u ra, ia tohu raua i te ahu paau, ia hoê a'e tauatini e ia piti hanere e ia ono ahuru i te mahana. O na olive e piti teie i na lamepa hoi e piti, i tuuhia i mna i te aro o te Fatu o te ao nei. E ia rave ino te hoe ia raua ra e puroro atu ra te auahi no roto mai i to raua vaha, e pau atu ra to raua enem; e ia rave ino mai te hoê ia raua ra, e na reirahia oia e pohe roa'tu. E mana to raua ia opani i te ra'i, e eiaha te ua ia mairi mai i to raua mau mahana tohuraa ra: e e mana hoi to raua i te mau pape ra ia faariro ei toto, e ia tairi i te fenua i te mau pohe atoa nei ia hinaaro raua ra. E ia oti to raua faaiteraa i ta raua parau, e tama'i mai ai te puua no roto i te abuso ra ia raua, e e pau raua iana, e e taparahi pohe roa oia ia raua. E e vaiiho noa hia to raua oivi i te aroa o te oire rahi i parauhia o Sodoma e o Aiphiti, i te haapaoraa o te varua ra i te vahi i faatataurohia'i to tatou Fatu ra. E hi'o to te mau nunaa e to te mau opu e te mau reo eê e te mau fenua i to raua oivi, e e toru a'e mahana e mahana vaeha e tahi, e ore e tuu i to raua oivi ia hunahia. E te feia e parahi i te fenua

nei e umere ia ia raua, e e oaoa e e haapono i te tao'a te tahi i te tahi; no te mea e mea manui taua na peropheta e piti ra na te feia e parahi i te fenua nei. E hope a'e ra na mahana e toru ra, e e mahana vae-haa e tahi, ua uru mai ra te Varua ore no ô mai i te Atua ra i roto ia raua, ua tia hua maira raua i nia; roohia iho ra te feia atoa i ite ia raua ra i te mata'u rahi. E faaroo atu ra raua i te hoê reo rahi no nia mai i te ra'i, i te na ôraa mai ia raua e. A haere mai i nia nei. Reva'tura raua i nia i te ra'i na roto i te ata; te hio atu ra to raua mau enemi ia raua. E e auene rahi to te fenua i taua hora ra, hi'a ihora te ahuru o te tufaa o taua ore i raro, pohe ihora na taata e hitu tauasani i taua auene fenua ra; mata'u a'e ra hoi te feia i toe, e ua faahanahana'tura i te Atua o te ra'i." Apokalupo 11:1-14.

"I mua atu i te taeraa mai no te mahana rahi no te Fatu ra, e ruperupe o Iakoba i roto i te medebara; e tiarehia hoi te ati Lamana mai te roti ra. E ruperupe o Tiona i nia i te mau aivi, e oaoa hoi i nia i te mau moua, e haaputu mai hoi ratou i te vahi ta'u i haapao." B. F. S. 49:5.

E faatia te Atua i te hoê peropheta i rotopu i te Ati Lamana i te tau hopea nei, e na'na e rave i te ohipa maitai roa, na roto i te parau e na roto hoi i te haapao, e e riro oia ei mauhaa i roto te rima o te Atua. E na roto i to'na faaroo rahi, e rave ai oia i te piri-taa-ê e te maere rahi i mua i te mata o te Atua, i te faaho'iraa mai i te mau mea e rave rahi i te utuafare o Iseraela e i te huaai hoi o Lehi ra. A hi'o i te 11 Nephi 3:24.

"E o te feia o tei faaea i te mau fenua i apatoerau e haamanaohia ia i mua i te Fatu, e faaroo hoi to ratou ra mau peropheta i to'na reo, e ore hoi ratou e faaea faahou, e tairi hoi ratou i te mato, e e hee noa mai te pape paari i mua i to ratou aro. E aratia rahi hoi te faatupuhia i rotopu i te mona rahi nei. E riro hoi to ratou mau enemi ei titi i mua ia ratou, e i te mau fenua pâpâ-marô ra e tahehia mai ia i te mau hopuna pape ora; e ore hoi te fenua mârô e riro faahou ei fenua poiha. E afai mai hoi ratou i ta ratou mau faufaa

o tei hau i te maitai ra, na ta'u mau tavini te tamarii a Epheraima. E rurutaina hoi te mau otia no te mau aivi e tia i te vairaa ra i mua ia ratou. I reira hoi ratou e topa ai i raro a faakoronahia atu ai i te hanahana, oia ia, i roto ia Tiona, e te rima o te mau tavini o te Fatu, oia hoi te tamarii a Epheraima; e e faaîhia hoi ratou i te sire e te oaoa muri ore. Inaha, o te haamaitai teie a te Atua mure ore i nia i te mau opu o Iseraela, e te maitai i hau roa a'e i nia ia te upoo no Epheraima e to'na ra mau hoa " B. F. S. 49: 5.

"E mai tei te anotan ia Noa ra, oia atoa ia tae i te anotan o te Tamaiti a te taata nei." Luka 17: 26.

Ua tonono te Atua i to'na mau ite i te anotan o Noa ei faaitite i te taata ra i te ati rahi e tae mai i nia ia ratou ia ore ratou ia tatarahapa; aita râ ia ratou i faaroo i taua faaaraaraa. Ua na reira faahou mai te Atua i te tau hopea nei i te tonoraa mai i ta'na mau ite ei faaitite i to te ao nei i te ati e tae i nia ia ratou ia ore ratou ia tatarahapa. O te parau teie a te Fatu i ta'na ra mau ite i te matahiti 1832. Te na ô mai ra oia e, "Ei muri a'e i ta outou faaitite, e tupu mai ai te riri e te vahavaha i nia i teie nei mau taata; i muri mai hoi i ta outou faaiteraa e tae atoa mai ai te faaiteraa no te au-eueraa fenua, e tupu ai te uururaa i roto ia'na, e topa te tata i te repo, e ore hoi e maitai ia tia mai i nia. E tupu atoa hoi te faaiteraa no te reo no te patiri, e te reo no te uira, e te reo no te vero, e te reo no te are-miti i te haamaeeraa ia ratou iho i nia roa i to ratou ra mau otia. E arepurepu hoi te mau mea atoa; e aehuehu hoi te aau no te taata, e tupu hoi te mata'u i nia i te taata atoa, e maue hoi te mau melahi na ropu i te reva nei, i te piiraa mai te reo rahi, i te faaotoraa i te pû na te Atua, i te parauraa e, A faaineine outou, A faaineine outou e te mau taata no te ao nei, na tae mai hoi te tabooraa o to tatou Atua; e inaha, a hio na, te haere maira te Tane faaipoipo apî, A haere outou a faafare-rei atu ia'na.

"E reira ra e itea mai ai te hoê tapao rahi i nia i te ra'i

e ite paa'toa ia te taata hoê â iteraa. E faaoto mai â hoi te hoê melahi i tana pû, mai te na ô e, o tera Etaretia rahi, te metua vahine no te mau mea faufau, o te faainu i te mau basileia atoa i te uaina faariri no tona ra faaturi, o te hamani ino i te feia mo'a no te Atua, e ua haamanii i to ratou toto; oia o te parahi i nia i te mau pape e rave rahi, e te mau fenua rii no te moana; inaha, oia te mau Zizania no te fenua, ua ruuruhia oia i roto i te ruru, ua faaetaetahia to'na mau tatua, aore e taata e matara'i, no reira ua ineine oia ia tutuihia i te auahi, e faaoto hoi oia i tana pû ei otoraa roa e te puai, e e faaroohia hoi e te mau nuua atoa.

“E faatupuaraa hoi tei i nia i te ra'i e mai te hoê hora vaehaa nei te maoro, e i reira ra te paruru no te rai e mahorai, mai te parau i otarohia ra e mahorahia i muri a'e i te tufeturaahia, e iritihia te paruru o te mata a te Fatu; e te feia mo'a o te vai i nia i te fenua nei, o tei vai ora e faaanaaneahia ia, e e tahitihia i nia ia faafarerei atu ia'na.

E te feia o te taoto i roto i to ratou mau apoo, e tia mai ia i nia; e amaha hoi to ratou mau menema e e tahiti-atoahia ratou i nia ia farerei atu ia'na i ropu i te pou no te rai, no te Mesia hoi ratou o te oho matamua; o ratou na te pou atoa mai e oia atoa ra, e o ratou atoa o te vai i te fenua nei e i roto i ta ratou mau apoo, o ratou atoa ra te pee na i nia ia farerei atu ia'na; e na te pu a te melahi a te Atua te reira atoa ra e faatupu.

E i muri a'e i te reira, e faaoto ai te tahi â melahi i tana, o te piti ia o te pu, ei reira e tupu ai te faaora no ratou o to te Mesia ra i to'na ra faraa mai; o te noaa ia ratou ta ratou tufaa i roto i te tapearaa o te haapaohia no ratou, ia noaa hoi ia ratou te evanelia, e ia haavahia ratou mai te taata i roto i te tino nei.

Ei reira e faaoto faahou mai â hoi te hoê pu o te toru ia no te pu, ei reira e tia mai ai te mau varua taata o te haavahia, e o te faahapahia, e o te tahi pae teie o tei pohe, e ore hoi ratou e ora faahou mai e ia hope te matahiti hoe tauatinira, ei ore roa hoi, e tae noa'tu i te hopea no te ao nei.

E faaoto faahou mai â hoi te hoê pu, o te maha ia na te

pu, i te na ôraa e, ua iteahia teie i rotopu ia ratou o te faaea e tae noa atu i taua mahana rahi hopea ra, oia hoi te hopea, o ratou o te vai viivii noa ua.

E faaoto faahou mai â hoi te hoe pu, o te pae ia o te pu, o te pae hoi ia o te melahi o tei horoahia te evanelia e tia i te vairaa ra, i te maueraa i ropu i te reva nei, i te mau nunaa atoa e te mau opu atoa, e te mau reo atoa, e te mau feia atoa; e teie hoi te huru no te otoraa o ta'na ra pu, i te parauraa atu i te taata atoa, i to te rai e i to te fenua nei e i to raro a'e i te fenua; e faaroo hoi te mau taria atoa i te reira, e tuturi hoi te mau turi atoa, e fai hoi te mau arero atoa, a faaroo ai ratou i te oto no te pu, i te parauraa e, a mätä'u i te Atua, a faahanahana atu ia'na o te parahi i nia i te terono, e a muri, e a muri noa'tu, ua taea hoi i te hora faautuaraa na'na ra.

E teie â hoi, e faaoto faahou mai â hoi te hoê melahi i ta'na pu, o te ono ia no te melahi, i te na ôraa e, ua mairi oia, o tei faainu i te mau fenua atoa i te uaina ra i te riri o ta'na ra faaturi; ua mairi oia! ua mairi!

E teie â hoi, e faaoto faahou mai â hoi te hoê melahi i ta'na pu, o te hitu hoi ia no te melahi, i te na ôraa e: ua oti: ua riro te re i te Arenio a te Atua, oia ana'e ra i te taataahiraa i te neneiraa vine; oia hoi te neneiraa vine no te riri u'ana no te Atua Mana hope; ei reira hoi te mau melahi e faakorohia ai i te hanahana no to'na ra puai, e faaîhia hoi te feia mo'a i to'na ra hanahana, a farii hoi ta ratou ai'a, e e faafaito oia i to ratou huru i to'na.

Ei reira te melahi matamua ra e faaoto faahou ai i ta'na pu i roto i te taria no te feia atoa e ora nei, e e faaite oia i te mau ohipa moe a te mau taata, e te mau ohipa mana a te Atua i te tauatiniraa matamua o te matahiti.

Ei reira te piti o te melahi e faaoto ai i ta'na pu, ei faaite i te mau ohipa moe a te mau taata, e te mau mana'o e te opuaraa a to ratou ra mau aan, e te mau ohipa mana a te Atua ra i roto i te piti tauatiniraa no te matahiti; e ia na reira maite â, e tae noa'tu i te faaotoraa te hitu no te melahi i ta'na pu; e tia mai hoi oia i nia i te fenua e i nia i te moana,

e e tâpû oia mai te iô'a no'na no te parahi i nia i te terono, e e ore e taima faahouhia, e ruuruuhia hoi o Satani, o taua ophi tahito ra, o tei parauhia e, o te diabololo.

O loane atoa te tahi tei ite i to Satani tapearaahia. Te na ô maira taua parau ra e, "Ite atura vau i te hoê melahi i te pouraa mai mai te ra'i mai, e tei ia'na te taviri o te abuto ra, e e fifi rahi auri tei ta'na rima. Ua haru ihora oia i te teni ra, i taua ophi tahito ra, oia hoi te diabololo ra, o Satani, ua ruuruu ihora ia'na e ia hoê a'e tauatini i te matahiti. Ua huri ihora ia'na i raro i te abuso ra, ua opani atura i te opni ia'na, tuu ihora i te tapao i nia ihora, ia ore oia ia haavare faahou i te mau fenua, e ia hope roa taua na matahiti hoê tauatini ra; e i muri a'e i tereira; ia tuu-iti-noa-hia e oia e tia'i.

E te haereraa pitî mai o te Fatu e tae atoa mai ai te oire mo'a o Enoha, e pou mai ratou e Iesu atoa. E te feia parautia atoa o te fenua nei e afaibia ia i nia a faafarerei atu ai ia ratou i roto i te reva ra. Ua ite Enoha i teie atoa ra mau mea na roto i te heheuraa. A hio i te B.F.S. 36;12, 13.

Ei muri a'e i te reira, e ninii atu ai te Fatu i ta'na ra varua i nia iho i te taata'toa, (oia hoi te mau i'o atoa), e tohu hoi to te taata mau tamarii tamaroa e te mau tamahine: e taotohia mai hoi te mau taata paari, e e ite te mau taata apî i te orama.

Eninii atu te Atua i ta'na ra varua i nia i te tavini tane e i nia i te mau tavini vahine i reira ra. A hio ia Ioela 2:28.

"Ei reira te Lnko e parahi atoa'i raua o te Arenio e te nemera e te pinia mamoe, e apiti atoa ia i te taotoraa; e te fanaua puaatoro, e te liona apî e te puaatoro haaporira ra, hoe â amuiraa mai, e na te hoê tamaiti iti e aratai.

Te puaatoro apî ra e te dauba maiaa ra hoê â ia amuiraa e hoê â hoi taotoraa to te fanaua. E amu hoi te liona i te aihere mai te puaatoro atoa ra.

E hauti noa hoi te tamarii aiu i te apoo o te Asepi, e te tamaiti no mairi a'e te û ra, e tuu ia i te rima i nia i te puniraa o te Zepho ra.

E ore ratou e hauti e ore e rave ino i to'u atoa nei mou'a mo'a, e i hoi te fenua i te ite i te Fatu mai te vairaa miti e i te miti ra." 11 Nephi 30:12-15.

E na reira te Atua i te haamaitai i te fenua taatoa ra, e te mau vahi ano ra na'na ia e faaruperupe, e na'na e faariro i ta'na vahi medebara mai ia Edene, e to'na vahi pāpā-mārō ra mai te ô a te Fatu; e itea te oaoa e te popou i roto ia'na; e te haamaitai e te reo himeneraa. Ahi'o 11 Nephi 8:3.

"E na te Atua e haava i roto i te mau Etene, e ao u'ana au i te parau i te taata atoa e rave rahi; e tiapai ratou i to ratou o'e ei anri arote, e to ratou mau mahae e tipîtope ra; e ore to te hoê fenua e aa mai i to te tahi fenua i te o'e, e e ore hoi ratou e haapii faahou i te tama'i." II Nephi 12:4.

Ei to Iesu haereraa mai e tupu ai te haamaitai te na mai e, "Ia tae to oe ra basileia. Ia haapaohia to oe hinaaro i te fenua nei mai tei te ra'i atoa na." Luka 11:2.

Te basileia i parauhia nei, e hau Atua ia o te faatupuhia e te Atua iho ia faatere i te mau mea atoa. E ariihia hoi tana Basilea ra e te Arii mau o Iesu Mesia. O te Arii oia no te mau arii e te Fatu no te mau fatu. To'na faatereraa, e faatereraa parautia ana'e ia. E te mau taata toroa o te autahu'araa ra, o to'na ia mau êê.

Te mau aposetolo o tei pee mau ia Iesu a parahi-tino-mai ai oia i te ao nei ra, e faateronohia ia ei mau haava no na opu tino ahuru ma piti o Iseraela ra. E haava hoi ratou i te tino ahuru ma piti ta Iesu i maiti i roto i te huaai o Lehi ra. E haava atoa te tino ahuru ma piti o te Ati Nephi i te huaai atoa o Lehi ratou o Isemaela e o Muleka. Ahi'o ia Moromona 3:18,19.

Ia tae i te reira tau e faaorehia te mau ohipa ino, te ohipa-rometua haavare, e te faateteraa hamani ino, e te hau faaheipo noa.

Te feiâ atoa o te pohe mai te ite ore i te evanelia, oia hoi te mau nunaa Etene e riro ia ei mau tavini no te feiâ mo'a no te Atua teitei. Na ratou te mau faaapu e arote e na ratou hoi e top-tope i te raau. E hamanihia hoi te mau fare e ratou. Te feia mo'a râ, e riro ia ratou ei mau fatu no te mau au'a fenua, e ei hui arii e ei mau haava hoi no te ao nei.

E fanau â te mau tamarîi i reira ra, e e tupu te hoê huai parautia. No te mea, aore a Satani mana i nia i te taata ra. E riro te fenua mai te ô i Edene i te tau tahito ra, e e faa-
 apuhia te mau raau o te ora ra e e amuhia te hotu o taua mau raau ra mai te oaoa.

E haapiihia te taata paatoa i te mau ohipa paari, oia hoi te mau ohipa no te faaunauna, e te faatai i te hamouia, e te faaoto i te pû. E te mau himene navenave e te faaoaoa, e haapii-papu-hia ia. E roaa atoa i te taata te ite hohonu i te gioterafi, te taniuniu fenua, te tuatapaparaa parau e i te hi'o fetia. E haapii te taata i te huru o te auauahi, e e i te fenua i te ite i te uira e te vetahi â huru mana.

E tahoêhia te taata atoa i te hoê autaeaeraa rahi. E rahi to te taata ite i te huru o te mau metalo fenua ra. E paherumaite-hia hoi te mau ofai maitai e te nehenehe ra, e e ravehia taua mau ofai ra ei paturaa fare. Te metalo maitatai e te faufaa rahi o te fenua, mai te piru e te ario e maimibia ia ei faanehehehe i te mau ohipa e hamanihia ra.

E tamau â te Feia Mo'a i te raveraa i te ohipa no to ratou mau fetii i pohe. E no te rahiraa o teie ohipa maitai ta ratou e rave, ia patu ratou i te mau hiero e rave rahi e tia'i, no te mea e, ei te hiero ana'e teie mau oroa e ravehia'i.

E mea huru faaorehia te raveraa hara, ia tae i te milenia. E vai noa â hoi te pohe i reira i nia i te mau taata tino tahuti ra. "No reira e tia mai te tamarîi e paari noa'tu, e pohe te taata paari. E ore râ ratou e taoto i raro i te repo, e faahuru-ê-hia râ ratou mai te amuraa mata ra." B. F. S. 63:13. E parahi apipiti noa â ia te feia tino tahuti e te feia tino tahuti ore ra; e hoê â hoi ta ratou ra raveraa ohipa.

NA TE MÂU HOA NO TE HEHEURAA API

Ia ora ua mai te io'a o Iesu Mesia, amene. Te faaite atu nei au ia oe i te huru o te poheraa o to tatou tuahine, o Tekahu a Tuau a Tumurito. Ua fanau oia i te fenua Meetia i te matahiti 1884. Ua papetitohia oia i Rotoava i te fenua ra Fakarava e te perepitero ra Punua. I na matahiti râ i muri mai i ta'na papetitoraa, ua tupuhia oia i te ma'i, oia hoi, i te avae Tetepa, i te matahiti 1919. Ua faaoromai maite oia i teie nei ma'i e tae noa mai i te avae Tenuare i te matahiti 1920. I te mahana i muri a'e i te 30 no Tenuare i te hora hitu i te abiahi, ua parau mai oia i to te utuafare, "Eiaha tatou ia taoto i teie pô, e ara noa tatou no te mea e, ua tae i te tau no te oineineraa i to'u tereraa'tu na mua'tu ia outou". Na reira noa'tu â oia e tae noa'tu i te hora pae i te poipoi i te 31 no Tenuare, 1920. Ua ui mai oia, "Teihea te orometua". Ua pahono ta'na iho tamaiti, "Aita te orometua i ô nei". Ua parau te mama, "A tii ia'na". Ua pahono te tamaiti, "E". I muri a'e, ua tae mai te tamaiti ia'u nei, e ua parau mai ia'u, "E haere oe i pihaiho i to'u metua vahine no to'na titaauraa ia oe"; e ua faatia vau i to'na mana'o, e ia fatata vau i to'na fare, ua faaroo vau i te hevaraa o to te utuafare, ite ihora vau e ua pohe oia. Ua tae au i pihaiho ia'na, ite ihora vau e, ua mairi oia i roto i te hoê taoto rahi. Aore roa ia taoto i faitohia i te taoto noa.

Teie tuahine, e tuahine itoitoe ia i roto i te Etaretia i te amaa i Rotoava nei, e ua rave oia i te ohipa a te Fatu o te oraraa tahuti ore, e tae noa'tu i to'na taotoraa. E toru ahuru ma ono to'na matahiti oraraa i te ao nei, e ua rave mai te Fatu ia'na i tera'tu ao.

Papaihia e,

Tarehu a Painara.



Mau Parau Apî

TE PERESIDENI API NO TE REPUBALICA FARANE.

E Peresideni apî to France i teie nei. O Paul Dechanel to'na io'a. E 856 titeti maitiraa, e 734 tei riro ia M. Dechanel. Te mono nei M. Dechanel i te Peresideni i mana'e nei, O M. Raymond Poincare. Ua hope te matahiti no to M. Poincare manaraa. E ono ahuru ma piti to M. Dechanel matahiti. Ua maoro oia i te raveraa i te ohipa a te Hau. E i te taviniraa'tu i te Republica. Ua parauhia e, aita rea te tanta i hau ia'na i te ohipa matuturaa e i te oreroraa. Ua navenave to'na reo ia faaroo. I te matahiti 1912, ua maitihia oia ei Peresideni no te Piha no te Mau Iriti Ture, [Chambre des Deputes], e ua mau oia i taua toroa ra, mai reira mai e tae noa'tu i to'na maitiraahia ei Peresideni no te Republica. E vai mana noa M. Dechanel e hitu matahiti, ei reira e maitihia'i te tahi e mono ia'na, aore râ, e haamana-faahou-hia oia.

I te 3 no Febuare, i tae mai ai to tatou Peresideni apî o Leone H. Kenara, e na orometua apî hoi, o Setephano e o Tihoti. Na nia mai ratou i te pahiauahi "Moana." E mono Leone no to tatou Peresideni i reva'e nei, o Eraneta Rositera. E ere teie i to Leone tere matamua i teie paeau Oteania nei. Tei te anotau o Daniela to'na taeraa matamua mai i Tahiti, e ua rave oia i te ohipa mitianare i te mau fenua Tuamotu e te mau fenua i raro hoi, i tana anotau ra. E piti ahuru matahiti to'na moeraa, aita râ i moe ia'na te re'o e te i'oa o te mau taeae e te mau tuahine ta'na i farerei i te matamua ra.

Papāhia e,
Aneterea Setemana.

L. H. KENNARD Jr., Imprimeur, Rue Brea et de la
Rue Dumont d'Urville, Orovini, Papeete, Tahiti